



元本張小山樂府  
下卷一冊  
補鈔



秘

冊

士禮居

精鈔

校本



新刊張小山北曲聯樂府卷下

慶東原



〔今樂府〕次馬致遠先輩韻九篇燒丹竈洗藥瓢清閑幾箇  
人知道閑吹鳳簫悶拈兔毫焉用牛刀他得志笑閑人他  
失脚閑人笑 門長閉客任敲山童不喚陳搏覺袖中六  
韜鬢邊二毛家裏篋瓢他得志笑閑人他失脚閑人笑  
殺三士因二桃不如五柳庄前傲文魔賈島詩窮孟郊酒  
困山濤他得志笑閑人他失脚閑人笑 繁華夢貧賤交  
唐堯不改巢由調紛紛紫袍區區綠袍戀戀緋袍他得志  
笑閑人他失脚閑人笑 詩情放劍氣豪英雄不把窮通  
較江中斬蛟雲間射鵬席上揮毫他得志笑閑人他失脚

閑人笑 難開眼懶折腰白雲不應蒲輪召解組漢朝尋  
詩灞橋策杖臨皋他得志笑閑人他失脚閑人笑 依山  
洞結把茅清風兩袖長舒嘯問江邊老樵訪山中故交伴  
雲外孤鶴他得志笑閑人他失脚閑人笑 蒼頭哨驄馬  
驕放轡頭也只到長安道說家門儘教守壘鹽慢熬請荆  
布休焦他得志笑閑人他失脚閑人笑 山容瘦木葉凋  
對西窗盡是詩材料蒼煙樹杪殘雪柳條紅日花梢他得  
志笑閑人他失脚閑人笑 越山即事 庭前樹籬下菊老漁  
樵相伴閑鷗鷺聽道士步虛教稚子讀書引吟客攜壺借  
賀老鑑湖船訪謝傅東山去 又 雲輕散月易殘女蕭何成  
敗了些風流漢馮魁硬鏟雙生緊趕小姐先赴今夜惜花

心明日傷春嘆

〔新樂府〕春日鶯啼畫人倚樓酒痕淹透香羅袖薔薇水蘸  
手荔枝漿爽口瓊花露扶頭有意送春歸無奈傷春瘦

醉太平

〔今樂府〕春情 烏雲髻鬆金鳳釵橫伯勞飛燕自西東惱離  
愁萬種碧溶溶滿溪綠水桃源洞淡濛濛半窻白月梨雲  
夢恨忽忽一簾紅雨杏花風把青春斷送 席上有贈 風流  
地仙體態天然畫圖誰敢鬪嬋娟相逢酒邊當樓皓月姮  
娥面倚闌翠袖琵琶怨滿林紅葉鷓鴣天惜花人未眠懷  
古 翩翩野舟汎汎沙鷗登臨不盡古今愁白雲去留鳳凰  
臺上青山舊秋千牆裏垂楊瘦琵琶亭畔野花秋長江自

流

〔蘇隄漁唱〕湖上洗荷花過雨浴明月平湖暮雲樓觀景模  
糊蘭舟掉舉沂涼波似泛銀河去對清風不放金盃住上  
雕鞍誰記玉人扶聽新聲樂府塵蒙了鏡臺粉淡了香  
腮不隄防今夜故人來你將我左猜小冤家怕不道心兒  
裏愛老妖精拘管的人來煞村馮魁割捨得柱兒頰遠鄉  
了秀才人皆嫌命窘誰不見錢親水晶環入麪糊盆才  
沾粘便衣文章糊了盛錢囤門庭改做迷魂陣清廉匾入  
睡餽鈍胡蘆提到穩陶朱公釣船晉處士田園潛居水  
陸脫塵緣比別人慮遠賢愚參雜隨時變醉醒和闌迷歌  
宴清濁混沌持殘年休呆沒屈原

吳鹽傷春煙銷寶鴨字篆銀蝸傷春心事付琵琶悞平康  
過馬玉容淚溼鴛鴦帕紅絨香冷秋千架金壺水換牡丹  
花等他來看咱〔金華山中〕金華洞冷鐵笛風生尋真何處  
寄閑情小桃源暮景數枝黃菊勾詩興一川紅葉迷仙徑  
四山白月共秋聲詩翁醉醒登卧龍山黃庭小楷白苧新  
裁一篇閑賦寫秋懷上越王古臺半天虹雨殘雲載幾家  
魚網斜陽曬孤村酒市野花開長吟去來山中小隱裏白  
雲紙襖掛翠竹麻條一壺村酒話漁樵望蓬萊縹緲漲蒲  
萄清溪春水流仙棹靠團標空巖夜雪迷丹竈碎芭蕉小  
庭秋樹響風瓢先生醉了

江兒水

今樂府春思 杜鵑幾聲煙樹暖風雨相攬斷梨花月未圓  
柳絮春將半夜長可憐歸夢短又 綉針懶拈閑素手倦枕  
金釵溜鶯啼綠柳春燕舞紅簾晝東風幾番人病酒九日  
湖上西風又吹湖上柳畫舫攜紅袖鷗眠野水閑蝶舞秋  
花瘦風流醉翁不在酒山居春晚 門前好山雲占了盡日  
無人到松風響翠濤榭葉燒丹竈先生醉眠春自老春晚  
黃昏閉門誰笑語燕子飛不去朱簾濺雨花翠塢埋煙樹  
酒醒五更聞杜宇又 離愁困人簾未捲上下飛雙燕孤雲  
帶雨痕暗水流花片湖邊日長春去遠湖上晚望 東西往  
來船鬪蟻拍手胡姬醉歌聲落照邊塔影孤雲際荷風夜  
涼天似水秋懷 西風信來家萬里問我歸期未鴈啼紅葉

天人醉黃花地芭蕉雨聲秋夢裏

蘇隄漁唱獨酌 玉笛一聲天地愁便覺梅花瘦寒流清淺  
時明月黃昏後獨醉一樽桑落酒夜景 醺醺綺羅歡笑徹  
檀板歌聲歇寶鼎串香絕銀燭燈花謝玳筵前酒闌人散  
也情 描金翠鈿侵鬢貼滿口兒噴蘭麝檀板撒紅牙皓齒  
歌白雪定不定百般嬌又怯

吳鹽春思 黃鶯亂啼門外柳雨細清明後能消幾日春又  
是相思瘦梨花小窻人病酒交翠亭 梅花自開鶴自舞隔  
斷蓬萊路雪明黃柳梢月暗蒼松樹池上翠亭人笑語夏  
夜即事 醉來晚風生畫堂不記樽前唱冰壺荔子將冰月枕  
蓉花帳酒醒玉人環珮響春懷 水邊粉牆生翠蘚緊閉秋

千院銀驄暖玉鞍綵鳳泥金扇那人看花歸路遠采石江  
上江空月明人起早渺渺蘭舟棹風清白鷺洲花落紅雨  
島一聲杜鵑春事了草菴午睡先生華山高處隱自有清  
貧分華堂碧玉簫紫綬黃金印不如草菴春睡穩秋思孤  
眠夜寒魂夢怯月暗紗燈滅青蘋泣露花白柳吟風葉南  
樓鴈來書到也草堂夜坐三間草堂何所有月色黃昏又  
鶴依松樹涼人伴梅花瘦客來不須茶當酒開元堂上桃  
源洞中春幾許此夜德星聚天香玉蘂煙仙酒瓊花露鳳  
笙一聲鶴對舞

新樂府碧山丹房早起翠蓬一壺天地小又是邯鄲道尋  
真客到來夢短人驚覺冷冷玉笙松月曉張子堅運判席

上功名壯年今皓首揀得溪山秀清霜紫蟹肥細雨黃花  
瘦牀頭一壺新糯酒又去來去來歸去來菊老青松怪生  
前酒一盃死後名千載淮陰侯不如彭澤宰又雲巖隱居  
安樂窩盡把陶詩和村醪蜜樣甜山栗拳來大梅窓一爐  
松葉火

迎仙客

今樂府感舊鸚鵡洲鳳凰樓十年故人懷舊遊杜陵花陶  
令酒酒病花愁不覺的今春瘦湖上送別釣錦鱗棹紅雲  
西湖畫船三月春正思家還送人綠滿前村煙雨江南恨  
春日湖上雨亦奇錦成圍笙歌滿城鶯燕飛紫霞盃金縷  
衣倒著接羅湖上山翁醉又舞絳紗扣紅牙耳邊玉人催

上馬雪兒歌蘇小家月淡梨花醉倚秋千架〔春晚〕看牡丹  
倚闌干宿酒乍醒敲髻鬟燕初忙鶯正懶簾捲輕寒玉手  
調箏鴈〔秋夜〕雨乍晴月籠明秋香院落砧杵鳴二三更千  
萬聲擣碎離情不管愁人聽〔黃桂〕近玉階映瑤臺婆娑小  
叢巖畔栽鴈初飛花正開金粟如來望月佳人拜

〔新樂府〕春思魚尾釵鳳頭鞋花邊美人安在哉煙冷寶爐  
香塵昏玉鏡臺燕子歸來月淡朱簾外〔括山道中〕雲冉冉  
草纖纖誰家隱居山半崦水煙寒溪路險半幅青帘五里  
桃花店

凭欄人

〔今樂府〕湖上遠水晴天明落霞古岸漁村橫釣槎翠帘沾

酒家畫橋吹柳花〔又〕二客同遊過虎溪一徑無塵穿翠微  
寸心流水知小窻明月歸〔春夜〕燈下愁春愁乍醒枕上吟  
詩吟未成杏花殘月明竹根流水聲〔春思〕鶯羽金衣舒晚  
風燕嘴香泥沾亂紅翠簾花影重玉人春睡濃〔又〕春柳長  
亭傾酒樽秋菊東籬猶淚痕思君不見君倚門空閉門〔又〕  
簾外輕寒歸燕忙橋下殘紅流水香遊人窺粉牆玉驄嘶  
綠楊

〔吳鹽〕暮春即事萬朵青山生暮雲數點紅香留晚春凭闌  
愁玉人對花寬翠裙〔又〕小玉闌干月半指嫩綠池塘春幾  
家鳥啼芳樹了燕啣黃柳花〔江樓即事〕一曲琵琶江上舟  
十二闌干天外樓粉香蝶也愁玉容花見羞〔八詠樓上酬

正則李侯爛醉東君三月時細和休文八詠詩舞裙催拓  
枝曲闌搖柳絲秋思和吳克齋一寸水蟾明翠廊萬里青  
天書鴈行碧梧敲晚涼玉人燒夜香和白玉真人寶釵英  
雄血已乾玉府神仙心自閑鍊霞成大丹袖雲歸故山又  
玉手攜香羅帕乾粉面粘花粧鏡寒對樓千萬山倚雲十  
二鬟湖上醉餘明月中流歌扣舷柔雪雙娃同采蓮小詞  
玉翼蟬醉書金粉箋又屏外氤氳蘭麝飄簾底星松鸚鵡  
嬌暖香綉玉腰小花金步搖席上分題粧淡亭亭堆髻螺  
頭緩盈盈停眼波念奴留意多使君如醉何晚晴小景金  
羽翩翩柳外鶯玉手纖纖膝上箏晚風花雨晴小樓山月  
明

落梅風

今樂府天寶補遺姮娥面天寶年鬧漁陽鼓聲一片馬嵬  
坡襪免得了看錢太真妃死而無怨西湖湖光靜山影孤  
載斜陽小舟橫渡正花開玉梅千萬株鶴飛來老逋歸去  
冷泉亭小集彈初罷酒暫歇醉詩人滿山紅葉問山中許  
由何處也老猿啼冷泉秋月春日湖上擔春勝問酒家綠  
楊陰列仙圖畫下秋千玉容強似花汗溶溶借人羅帕春  
晚次韻鶯鶯恨燕燕愁惜春歸玉容添瘦東君可人人病  
酒怯東風海棠紅皺又金樽盡玉漏遲月明天柳陰無地  
杜鵑怕將愁喚起困東風夜深花睡蠟梅花學宮樣改玉  
容列金釵主人情重撼疎林夜來窻外風蜜蜂兒帶香吹

凍寒夜寒齋靜瑞雪多凍吟詩起來孤坐蘆花絮衾江紙  
也似薄問袁安怎生高卧題扇面小景人何處不寄書一  
聲聲鴈將秋去月明中倚闌情正苦玉波寒粉蓮啼露湖  
上羽扇塵埃外杖藜圖畫間野人來海鷗驚散四十年繞  
湖賒看山買山錢更教誰辦越城春雪朱簾上皓齒歌柳  
梢青野梅開過倚闌干醉睜天地濶雪山寒玉龍高卧離  
情人孤另愁萬結南樓上鴈聲拖拽別離有情無處寫洞  
簫寒滿天明月江上寄越中諸友江村路水墨圖不知名  
野花無數離愁滿懷難寄書付殘潮落紅流去春情秋千  
院拜掃天柳陰中趨鶯藏燕掩霜紈遮將詩半篇怕簾外  
賣花人見

蘇隄漁唱月明歸興松梢月桂子香又詩成冷泉亭上醉  
歸來晚風生嫩京餞金船玉人低唱春晚銀缸暗翠袖遮  
麝煤銷露螢明滅下西湖美人吹過也打梨花雨聲昨夜  
又東風景西子湖溼冥冥柳煙花霧黃鶯亂啼胡蝶舞幾  
秋千打將春去書所見柳葉微風鬧荷花落日酣拂晴空  
遠山雲淡紅粧女兒十二三採蓮歸小舟輕纜憶西湖青  
鸞信白鴈書望江南夢飛不去西湖錦雲誰是主拍闌干  
滿空煙樹

吳鹽玉泉山先上尋梅隨明月過小橋記年時杖藜曾到  
倚東風一枝斜更好玉生香有誰索笑禹寺見梅蒲團厚  
紙帳新不奢華自然風韻小窻見梅如故人亞冰梢月斜

雲褪冬夜更闌後鴈過也夢不成小窻寒夜伴離人落梅  
香帶雪半簾風一鉤新月別會稽胡使君載酒人何處倚  
闌花又開憶秦娥遠山眉黛錦雲香鑑湖寬似海還不了  
五年詩債廢園湖石芭蕉畔楊柳邊想當時玉人嬌面十  
年舊題漫翠蘚倚高寒夏雲一片歌姬張氏睡起瑤池上  
翠檻邊笑當時六郎嬌面行雲夢回看黛淺枕痕香睡紅  
一線嘆世和劉時中土庫千年調金瘡百戰功嘆興亡一  
場春夢卧白雲北邙山下冢信虛名得來無用閑居看雲  
坐聽雨眠鶴飛歸老梅庭院青山隱居心自遠放浪他柳  
鶯花燕西園春暮傷春瘦望遠愁掩朱門碧苔生甃繞西  
園旋呼花下酒海棠飛牡丹厮勾睡起攏釵燕鞞綉鴛捲

朱簾綠陰庭院奈何天不教人醉眠打新荷雨聲一片東  
嘉綠野橋漁柳靜鴈字斜柳陰疎藕花初謝小闌干畫橋  
橫綠野憶西湖月明秋夜閑閑亭上魚吹沫鶴弄影洗秋  
雲玉波如鏡閑閑小亭風日冷竹干竿綠苔三徑和崔雪  
竹依村店駐小車玉驄嘶綉鞍初卸琵琶亂彈人醉也鴈  
雲高蘄門秋月春情桃花面柳葉眉小庭臺鎖紅關翠孤  
幃玉人初睡起不平他錦鴛成對胡貴卿席上宜春令消  
夜圖錦橙開喫人香霧梅花月邊同笑語不尋思灞橋詩  
句秋望乾荷葉脆柳枝老西風滿襟秋思盼來書玉人憔悴  
死界青天鴈飛一字憶別啼紅袖織錦圖記臨行雨花  
風絮平安字書曾寄與題名在鳳鸞雙處和盧彥威學士

貂裘敝驄馬驕雪花飛薊門寒到鴈兒幾聲南去了也教  
他玉人知道〔肅齋翁命賦獅橘〕生瘳面黃金獸蜜多心白  
玉漿吼千林月寒霜降繞維摩萬八千佛供牀噴清香九  
重天上

〔新樂府〕客金陵〔臺城路故國都涇臙脂并痕香汚後庭不  
知誰是主亂蛩吟野花玉樹〕春日宮詞〔催箏鴈舞鏡鸞惜  
春歸蝶狂蜂亂阿金自調銀字管按霓裳牡丹花畔〕碧雲  
峯書堂〔依松澗結草廬讀書聲翠微深處人閒自晴還自  
雨戀青山白雲不去〕

一半兒

〔今樂府〕寄情〔寄情虛把綵箋緘排砌偷將底句攬隔簾怪〕

他嬌眼饒話兒嘶一半兒佯羞一半兒敢〔又〕臂銷閑把玉  
纖掐髻袒慵粘金鳳插粉淡偷臨青鏡捺劣寬家一半兒  
真情一半兒假〔落花〕酒邊紅樹碎珊瑚樓下名姬墜綠珠  
枝上翠陰啼鷓鴣謾嗟吁一半兒因風一半兒雨〔酒醒〕羅  
衣香滲酒初闌錦帳煙銷月又殘翠被夢回人正寒喚蠻  
蠻一半兒依隨一半兒懶

〔吳鹽〕秋日宮詞〔花邊嬌月靜粧樓葉底滄波冷翠溝池上  
好風閑御舟可憐秋一半兒芙蓉一半兒柳〕梅邊〔枝橫翠  
竹暮寒生花淡紗窓殘月明人倚畫樓羗管聲惱詩情一  
半兒清香一半兒影〕情〔教層秋樹隔離簷萬朵晴雲擁玉  
蟾幾縷夜香穿綉簾等潛潛一半兒門開一半兒掩〕野橋

酬耿子春海棠香雨污吟袍薜荔空牆閑酒瓢楊柳曉風  
涼野橋放詩豪一半兒行書一半兒草賞牡丹錦裙吹上  
翠雲枝綠酒爭傳白玉卮皓齒慢歌金縷詞牡丹時一半  
兒姚黃一半兒紫蒼崖禪師退隱  
斜陽明翠微竹外淺沙涵釣磯樂忘歸一半兒青山一半  
兒水

山坡羊

〔今樂府〕春日芙蓉春帳蒲萄新釀一聲金縷尊前唱錦生  
香翠成行醒來猶問春無恙花邊醉來能幾場粧黃四娘  
狂白侍郎又西湖沈醉東風得意玉驄驟響黃金轡賞春  
歸看花回寶香已暖鴛鴦被夢繞綠窻初睡起癡人未知

噫春去矣雪夜扁舟乘興讀書相映不如高臥柴門靜唾  
壺冰短檠燈隔窻孤月懸秋鏡長笛不知何處聲驚人睡  
醒清梅弄影別懷梨花都謝春衫初卸綠陰空瑣閑臺榭  
遠山疊暮雲遮青青楊柳連宮舍此景此情難棄捨車且  
慢些別人去也

〔吳鹽〕別懷衣惚羅扣塵生鴛鴦芳容更比年時瘦看吳鉤  
聽秦謳別離滋味今番又湖上藕花隄上柳颼渾是秋愁  
休上樓春睡花沾宮額草青羅帶一春心事愁無奈感離  
懷夢多才流鶯只在朱簾外午睡正濃驚覺來挨金鏡臺  
歪金鳳釵感舊凭高凝眺臨風舒嘯一番春事胡蝶鬧越  
山高楚天遙東風依舊桃花笑金鞍少年何處了牢粗布

袍熬白鬢毛〔閨思〕雲鬆螺髻香溫鴛被掩春閨一覺傷春  
睡柳花飛小瓊姬一聲雪下呈祥瑞團圓夢兒生喚起誰  
不做美吓却是你

〔新樂府〕酒友劉伶不戒靈均休怪汾村沽酒尋常債看梅  
開過橋來青旗正在疎籬外醉和古人安在哉窄不勾節  
哎我再買客高郵危臺凝竚蒼蒼煙樹夕陽曾送龍舟去  
映菰蘆捕魚圖一竿風旆橋西路人物風流聞上古儒秦  
太虛湖明月珠

梧葉兒

〔今樂府〕春日郊行長空鴈老樹鴉離思滿煙沙墨淡淡王  
維畫柳疎疎陶令家春脉脉武陵花何處遊人駐馬〔探梅〕

即事詩囊寄酒旆招春事動梅梢小舫攜紅袖阿瓊橫玉  
簫太白解金貂雪滿長安灞橋〔鑑湖宴集〕柳影迷歌扇苔  
痕滿釣磯仙客領蛾眉背寫蘭亭字熟讀秦望碑懶對謝  
安棋人醉在紅香鏡裏〔尋梅〕提清事放客懷殘雪小樓臺  
郊外尋花去湖東載酒來馬上見梅開不負青霞倦客感  
舊肘後黃金印尊前白玉卮躍馬少年時巧手穿楊葉新  
聲付柳枝信筆和梅詩誰換却何郎鬢絲〔夜坐〕湖山外楊  
柳邊歌舞鏡中天雲躲橫珠鳳花寒怯綉鴛露冷溼金蟬  
愛月佳人未眠席上有贈芙蓉面楊柳腰無物比妖嬈粉  
紙鴛鴦字花鈿翡翠毛綉閣鳳凰巢良夜永春風玉簫夜  
坐即事餘韻悠揚唱哀絃取次彈燈上酒將殘花暗珠瓊

玲風清玉珮環月冷翠琅玕誰倚西樓畫欄靈隱寺僧居  
勝俗客稀山色四週迴香樹生金地青蓮出寶池貝葉漬  
銀泥明月冷雙猿弄水郎事竹檻敲蒼玉蕉窗映綠紗笑  
語間琵琶月淡娑婆樹風香富貴花俏人家小小仙鬟過  
茶山陰道中丹井長松樹青山小洞庭吟嘯寄幽情花外  
神仙路天邊處士星月下醉翁亭聽一曲何人玉笋湖上  
晚興頻頻醉浩浩歌明月湧滄波岸草嘶驄馬山花壓翠  
螺雪柳鬧銀蛾燈下佳人看我

蘇隄漁唱夏夜即席沂月蘭舟便歌雲翠袖勤湖上絕纖  
塵瓜剖玻璃瓮酒傾白玉盆鱸切水晶鱗醉倒羲皇上人  
春曉隄上花垂露柳散煙蘇小酒樓前舞隊飛瓊珮遊人

碾玉鞭詩句縷金箋懶上蘇隄畫船湖山夜景猿嘯黃昏  
後人行畫卷中蕭寺罷疎鐘溼翠橫千嶂清風響萬松寒  
玉奏孤桐身在秋香月宮第一樓醉書梨雲褪柳絮飛歌  
斂翠蛾睂月澹冰蟾印花濃金鳳鈿酒艷玉螺盃醉寫湖

山第一

吳鹽春日感懷閑羅扇墜錦囊塵滿碧紗窗燕語烏衣巷  
花開白玉堂人去紫雲娘月冷粧樓夜香早行雞聲罷角  
韻殘落月五更寒紫塞呼白雁黃河繞黑山翠袖上雕鞍  
行路比別離更難旅思題新句感舊遊塵滿鷓鴣裘鏡裏  
休文瘦花邊湘水秋樓上仲宣愁誰伴我新豐殢酒垂虹  
亭上三高地萬古愁行客記曾遊綠樹當朱戶青山朝畫

樓紅袖倚蘭舟借問誰家賣酒春  
日簡鑑湖諸友簪花帽  
載酒船急管閒繁絃席上題羅扇  
雲間寄錦箋水畔墜金  
鞭不減長安少年雪中乘興詩人  
棹新烹學士茶風味屬  
誰家瓦甃懸冰筋天風起玉沙海  
樹放銀花愁壓擁藍闌  
去馬別懷枕上圓孤夢燈前賦小  
詩淚臉界臙脂脆管催  
銀字垂楊綰翠絲別酒盡金卮相  
思病明年那時春日書  
所見薔薇徑芍藥闌鶯燕語閒關  
小雨紅芳綻新晴紫陌  
乾長日綉窻閑人立秋千畫板  
壽席晴山翠明月圓鶴舞  
影踰躑酒進長生藥花開小洞天  
人樂太平年八千歲蓬  
萊地仙長沙道中扁舟興淡月  
痕薄暮小江村人入瀟湘  
畫酒傾桑落樽詩弔汨羅魂醉  
卧梅花樹根山陰道上雲

門路天柱峯花暗月朦朧雪冷誰  
家店山深何處鐘棹孤  
蓬興不盡吟詩信翁有所思人何  
處草自春絃索已生塵  
柳線縈離思荷衣拭淚痕梅屋鎖  
吟魂目斷吳山暮雲

風入松

蘇隄漁唱九日哀箏一抹十三絃  
飛鴈隔秋煙攜壺莫道  
登臨晚雙雙爲我留連仙客玲瓏  
玉樹佳人窄索金蓮  
琅琅新雨洗湖天小景六橋邊  
西風潑眼山如畫有黃  
花休恨無錢細看茱萸一笑詩翁  
健似常年

小涼州

蘇隄漁唱春遊晚歸玉壺春水浸  
晴霞景物奢華綵船歌  
管閒琵琶青旗掛沽酒是誰家夕  
陽一帶山如畫數投林

萬點寒鴉曲水邊孤山下遊人歸去明月管梅花分得金字湧金門外小壺天駿馬金鞭屏山金翠畫龍眠金鶯轉金柳曲欄邊金波滿捧金盃勸舞春風半起金蓮金縷衣金羅扇玉人金釧醉上戩金船避暑即事兩峯晴翠插波光十里橫塘畫樓簾影掛斜陽誰凝望紈扇掩紅粧蓮舟撐入荷花蕩拂天風兩袖清香酒醉歸月明上棹歌齊唱驚起錦鴛鴦訪杜高士杖藜十里聽松聲隱士相迎飛來峯下樹青青添清興流水玉琴橫拂雲同坐苔花磴桂飄香滿地金星山影寒天光淨野猿啼月詩在冷泉亭雪晴詩興冰壺光浸水精寒好景人間暗香來處是孤山尋梅慣詩思壓驢鞍瓊姬爭捲珠簾看畫船中歌舞吹彈明月

殘白石爛寶花樓閣十二玉闌干湖山堂上醉題漁翁簑笠釣船孤棹入蓬壺湖山堂上柳千株芭蕉綠涼影翠扶疎東坡舊日題詩處喜無人任我歌呼半醉時秋山暮一行白鷺萬朵錦芙蓉

吳鹽春夜玉簫吹斷鳳釵分瘦損真真小詞空製錦回文孤服恨翠被寶香溫故人一去無音信望蓬萊隔幾重雲燕未歸春將盡梨花庭院和月掩朱門秋思酸齋索賦鴛鴦飛起藕花洲碧水明秋玉人天際認歸舟秋來後憔悴見花羞黃昏又是愁時候柳稍頭新月如鉤成閒濶添消瘦新書裁就一雁過粧樓郊行即事小橋流水落紅香兩兩鴛鴦當壚艷粉倚明粧深深巷酒旆綠垂楊新詩欲寫

東牆上奈桃花未識劉郎乘興來回頭望眼波微溜還許  
謫仙狂春日次陳在山韻海棠開後一停春過了三分花  
梢紅日曉窗溫鄰姬問忙甚不開門畫屏咫尺巫山近漬  
春衫都是啼痕錦帳愁香奩恨最傷情處酒醒怯燈昏

金字經

〔今樂府〕稽山春晚若耶溪邊路四山環翠微春去人閒揔  
不知鶯亂啼滿川煙樹迷先生醉葛洪丹井西〔春晚〕惜花  
人何處落紅春又殘倚徧危樓十二闌彈淚痕羅袖斑江  
南岸夕陽山外山〔醒吟齋〕老翁獨醒處伴雲高卧齋雨過  
松根長嫩苔栽菊花依舊開青山怪白頭歸去來〔偕王公  
實尋梅〕浩然英雄氣塞乎天地閒破帽西風雪滿山頑探

梅千百番家童懶灑橋驢背寒〔秋望〕楊柳沙頭樹琵琶江  
上舟鴈去衡陽水自流愁玉人休倚樓黃花瘦曉霜紅葉  
秋〔又〕信遠江南鴈望窮雲外山羅帕香殘粉淚乾閑倚徧  
十二闌黃花慢桂香秋雨寒〔雪夜〕犬吠村居靜鶴眠詩夢  
清老樹冰花結水精明月臨不夜城扁舟興小窻何處燈  
〔金華洞中〕竹暖鶴梳翅樹香鹿養茸好景神仙圖畫中通  
好山無數重桃源洞綠波隨落紅〔佛會〕水月觀音相海雲  
獅子牀講下飛花古樹蒼涼紫檀小殿香天仙降對騎金  
鳳凰〔又〕舞月獅玉喜獻花猿臂長何處青山不道場涼寶  
瓶甘露漿方池上白蓮秋水香〔湖上書事〕玉手銀絲鱸翠  
裙金縷紗席上相逢可喜煞插一枝茉莉花題詩罷醉眠

沽酒家〔又〕六月芭蕉雨兩湖楊柳風茶竈詩瓢隨老翁紅  
藕花香座中笛三弄鶴鳴來半空〔又〕竹枕蘆花被草衣荷  
葉中一棹煙波湖上春真神仙身外身蓬萊近紫簫吹鳳  
雲〔春思〕象管鴛鴦字錦箏鸞鳳絲何處風流馬上兒思那  
回春暮時別離事帶花折柳枝〔遊仙〕桂影黃金樹帝鄉白  
玉京夢斷釣天月正明聽粉箏江上聲遊仙興落花香洞  
庭〔別後〕翠被夢中夢鴈書來處來秋水芙蓉花又開猜瘦  
雲惚玉釵人何在月明閑鳳臺〔感興〕野唱敲牛角大功懸  
虎頭一劍能成萬戶侯愁黃沙白髑髏成名後五湖尋釣  
舟閱武爲李正則賦〕鴈翅銀鎗隊虎皮鐵馬羣畫鼓三聲  
江上村屯半千存孝軍梅花引綉旗楊柳春〔閨怨〕寶鑑殘  
粧暈帕羅新淚痕又見梨花雨打門因玉奴心上人無音  
信倚闌看暮雲

〔蘇隄漁唱〕湖上小隱〕老翁婆婆處清風安樂窩十二闌干  
錦綉坡多好山橫翠蛾蘭舟過月明聞棹歌〔採蓮女〕小玉  
移蓮棹阿瓊橫玉簫貪看荷花過斷橋搖柳枝學弄瓢人  
爭笑翠絲抓鳳翹〔秋望〕白髮三千丈畫樓十二闌鷗鷺翩  
翩逐往還山淡雲秋樹聞蘆花岸釣船沙上灘〔湖隄春日〕  
院宇綠楊樹酒旗紅杏村一片棠梨蘇小墳春水邊多麗  
人鶯花陣玉驄嘶錦雲

〔吳鹽〕偕葉雲中山行〕萬里封侯貴一場春夢中破帽青鞋  
策短筇逢南山采藥翁桃花洞白雲千萬重〔訪吾邱道士

細草眠白兔小花啼翠禽且聽松風坐綠陰尋洞天深又  
深遊仙枕頓消名利心青霞洞趙肅齋索賦酒後詩情放  
水邊歸路差何處青霞仙子家沙翠苔橫古槎竹陰下小  
魚爭柳花壽彥遠盧使君勝境藏仙洞浩歌來醉鄉菡萏  
花開十里塘香盧家白玉堂仙人杖鳳頭萱草黃湖上寒  
食火冷嘗仙飯酒香撒鬼錢細雨家家楊柳煙園斷橋西  
挽邊秋千倦玉人爭畫船環綠亭上水冷溪魚貴酒香霜  
蟹肥環綠亭深掩翠微梅落花浮玉盃山翁醉笑隨明月  
歸開元道院翠崦仙雲暗素琴冰澗長晝永人閑白玉堂  
嘗煮茶春水香元泉上鶴飛松露涼佛會萬壽月面佛千  
方雲會僧寶殿香風秋樹鳴青蓮花池上生靈山頂半空

玉磬聲王國用胡琴雨漱窓前竹澗流水上泉一線清風  
動二絃聯小山秋水篇昭君怨寒雲黃暮天題扇玉手銀  
箏柱翠濤金屈卮正是魚肥蟹健時詩醉題秋扇兒黃華  
字亂風搖柳絲次韻出岫白雲笑入山明月愁兩字功名  
四十秋羞死封不義侯村學究且讀書青海頭情雲雨山  
頭暗女牛天上期寶鼎香寒玉漏遲推角門花影移鴛鴦  
會莫教明月知

新樂府春懷瘦影孤鸞鑑怨聲阿鵲鹽病起離人愁轉添  
嫌燕歸雙入簾朱門掩夜香不喜拈梅邊雪冷松邊路月  
寒湖上村縹緲梨花入夢雲巡小簷芳樹春江梅信翠禽  
啼向人石門洞天錦樹開圖障翠峯堆髻髮屋老蒼雲暗

紫壇閑玉龍耕破山白石爛半巖秋雨寒〔仙居〕白月孤峯  
上紫雲雙澗邊飢有松花渴有泉仙抱琴巖下眠蟠桃宴  
鶴來騎上天〔別懷〕海樹離懷近月英眉黛愁金縷一聲雙  
玉舟留共登思遠樓重陽後菊花風雨秋

秦樓月

〔蘇隄漁唱〕尋芳屨出門便是西湖路西湖路傍花行到舊  
題詩處 瑞芝峯下楊梅塢看松未了催歸去催歸去吳  
山雲暗又商量雨

四塊玉

〔今樂府〕〔閑居〕勝事添殿塵減玉洞仙書帶雲緘金華羽士  
登門探酒一壺藥幾籃經半龕〔春情〕酒易闌愁難解杏臉

香銷玉粒臺柳腰寬褪羅裙帶春已歸花又開人未來〔樂  
閑〕遠是非尋蕭灑地暖江南燕宜家 人閑水北春無價一  
品茶五色瓜四季花

〔吳鹽〕秋望和胡致居菊又開人何往夜靜孤眠北窻涼月  
明閑上南樓望天一方鴈幾雙書半行〔容席〕胡使君席上  
舞態輕歌喉穩十里香塵柳邊春一聲金縷尊前韻斂綉  
巾整翠雲點絳脣〔春愁〕曉夢雲殘粧粉一點芳心怨王孫  
十年不寄平安信綠水濱碧草春紅杏村〔傷春〕楊柳陰秋  
千影恨殺啼鶉斷腸聲越添怨女傷春病倚綉屏搗錦箏調  
玉笙〔宮中秋日〕環佩輕蓬萊淺桂子香清小壺天芙蓉露  
冷披香殿花可憐月又圓人未眠〔梅友席上〕已樂閑從吾

懶虎帳風悲紫荆關馬蹄霜凍白雲棧冷眼看倦鳥還行  
路難〔史氏池亭〕宿酒醒良宵永風細荷香夢魂清月明梧  
葉闌干靜玉管笙粉面箏金字經〔東浙舊游〕鏡水邊中山  
頂兩袖松風羽衣輕一奩梅月冰壺淨鵲尾鑪鳳嘴瓶鴈  
足燈〔懷古〕疏翁索題舞袖雲粧臺粉翠被穠香一時思黃  
沙妖血千年恨虞美人孔貴嬪楊太真

塞鴻秋

〔吳鹽〕湖上即事斷橋流水西陵渡暗香疎影梅花路蹇驢  
破帽登山去夕陽古寺題詩處樹頭啼翠禽水面飛白鷺  
傷心和靖先生墓〔春情〕疎星淡月秋千院愁雲恨雨芙蓉  
面傷情燕足留紅線惱人鸞影閑團扇數爐沈水煙翠沼

殘花片一行行寫入相思傳〔道情〕直鉤曾下嚴灘釣清風  
自學蘇門嘯蜜蜂飛繞簪花帽野猿坐守燒丹竈扁舟范  
蠡高五柳陶潛傲南華夢裏先驚覺〔又〕雪毛馬響後猊靴  
神光龍吼昆吾劍冰堅夜半踰天塹月寒曉起離村店一  
身行路難兩鬢秋霜染老來莫起功名念

喜春來

〔今樂府〕鑑湖春日鴈啼秋水移冰柱蟻泛春波倒玉壺綠  
楊花謝燕將雛人笑語遊徧賀家湖〔金華客舍〕落紅小雨  
蒼苔徑飛絮東風細柳營可憐客裏過清明不待聽昨夜  
杜鵑聲〔永康驛中〕荷盤敲雨珠千顆山背披雲玉一簑半  
篇詩景費吟哦芳草坡松外採茶歌〔春夜〕收雲斂雨銷金

帳望月瞻星傳粉郎歡天喜地小紅娘來要賞花影過東  
牆

慶宣和

〔吳鹽〕春思一架殘紅褪舞裙揔是傷春不似年時鏡中人  
瘦損瘦損春晚病起〔燕懶〕鶯慵春幾何風雨蹉跎柳眼花  
心尚情多病可病可〔又〕十二珠簾不上鈎懶倚粧樓斂翠  
啼紅為誰羞問口問口〔又〕燕子來時人未歸肯悞佳期一  
對燈花玉蛾飛報喜報喜〔又〕四壁青燈酒半酣病骨巖巖  
無斤兩腌臢擔兒擔自攬自攬〔毛氏池亭〕雲影天光乍有  
無老樹扶疎萬柄高荷小西湖聽雨聽雨〔賦情〕柳陣花圍  
雲錦窩一見情多恨雨愁雲病如何為我為我〔歌者花花〕

蜂蝶紛紛鶯燕猜喧滿香街一朵妖紅為誰開關買關買

撥不斷

〔吳鹽〕第一樓小集立金梯却瑤盃兩行紅袖君休醉萬里  
黃沙客未歸一天白月秋無際有書難寄〔琵琶〕姬王氏坐  
離船促哀絃紅粧新畫昭君面玉手輕彈秋水篇青衫老  
淚溢江怨幾時重見〔客懷〕抖征衫望江南曉奩開月衰容  
鑑恨墨拈雲遠信緘凍河膠雪扁舟纜利名全淡〔會稽道  
中〕墓田鴉故宮花愁煙恨水丹青畫峻宇雕牆宰相家夕  
陽芳草漁樵話百年之下

賣花聲

亦名昇平樂

〔今樂府〕席上半泓秋水金星硯一幅寒雲玉版箋美人索

賦鷓鴣天瓊盃爭勸珠簾高捲燕歸來海棠庭院偶題落  
花露冷蒼苔徑纖手風生白玉箏夜香誰立紫雲亭知音  
誰聽雕闌獨凭柳陰中月明人靜懷古阿房舞殿翻羅袖  
金谷名園起玉樓隋堤古柳纜龍舟不堪回首東風還又  
野花開暮春時候又美人自刎烏江岸戰火曾燒赤壁山  
將軍空老玉門關傷心秦漢生民塗炭讀書人一聲長嘆  
春瑟瑟簫鼓東風暖是處園林景物妍一春常費買花錢  
東郊遊翫西湖筵宴樂醕醕滿斟頻勸夏澄澄碧照添波  
浪青杏園林煮酒香浮瓜沈李雪冰涼紗幮藤簟旋篔簹新  
釀樂醕醕淺斟低唱秋蕭蕭鞍馬秋雲冷一帶西山錦畫  
屏功名兩字幾飄零東籬蕭灑淵明歸去樂醕醕故園三  
徑冬陰雲四野彤雲密遼繞長空瑞雪飛銷金帳裏笑相  
偎檀簾低放滿斟瓊液樂醕醕醉了還醉客况綠波南浦  
人懷舊黃葉西風染鬢秋暮雲歸興仲宣樓天南地北塵  
衣風帽漫無成數年馳驟又十年落魄江濱客幾度雷轟  
薦福碑男兒未遇暗傷懷憶淮陰年少滅楚為帥氣昂昂  
漢壇三拜又登樓北望思王粲高卧東山憶謝安悶來長  
缺爲誰彈當年射虎將軍在冷淒淒霜凌古岸

漢東山

蘇隄漁唱騎鯨滄海波高枕白雲窩人生夢南柯睡覺來  
也未哥積玉堆金待如何田地濶兒女多鬪爭奪西村  
小過活老子自婆婆娑千家飯一鉢飽了人也未哥紫綬金

章開呵呵不如我芳草坡釣魚蓑 綠袍翻敗荷醉後自  
磨駝市上小兒多要錢也未哥暮四朝三笑呵呵藍采和  
沒柰何假風魔 紅粧閒翠娥羅綺列笙歌重重金玉多  
受用也未哥二鬼無常上門呵怎地趨索共他見閻羅  
香風瑞錦窠涼月素銀波蘭舟夜如何晚涼也未哥萬頃  
湖光鏡新磨小玉娥隔翠荷採蓮歌 黃沙白橐駝玉勒  
紫金珂一簇小宮娥送了他也未哥馬上琵琶爲誰撥到  
黑河將柰何淚痕多 霓裳舞月娥野鹿起干戈百年長  
恨歌闌了也未哥萬馬千軍早屯合走不脫那一塌馬鬼  
坡 煙花暗綺羅車馬鬧鳴珂樽前皓齒歌醉殺人也未  
哥閉月羞花賽姮娥那老婆送了他鄭元和 神仙張志  
上月明多受用也未哥紙帳梅花病維摩奈老何學坐鉢  
做工課

齊天樂過紅衫兒

〔今樂府〕道情 人生底事辛苦枉被儒冠誤讀書圖駟馬高  
車但沾著者也之乎區區牢落江湖奔走在仕途半紙虛  
名十載工夫人傳梁甫吟自獻長門賦誰三顧茅廬白鷺  
洲邊住黃鶴磯頭去喚奚奴鱸魚何必謀諸婦酒葫蘆  
醉模糊也有安排我處〔又〕浮生擾擾紅塵名利君休問閑  
人貧富浮雲樂林泉遠害全身將軍舉鼎拔山只落得自

列學范蠡歸湖張翰思尊田園富子孫玉帛榮方寸爭如  
醉裏乾坤曾與高人論不羨元戎印浣花村掩柴門倒大  
無憂悶共開樽細論文快活清閑道本〔元夜書所見〕紅粧  
解后花前眼挫秋波轉相憐天願長夜如年看鰲山儘意  
兒留連俄延翠袖相扶朱簾盡捲妙舞清歌躡袖垂肩香  
塵暗綺羅小徑閑庭院回步金蓮半掩芙蓉面慢撚桃花  
扇月團圓共嬋娟無計相留戀遇神仙短因緣回首蓬萊  
路遠〔湖上書所見〕春風院落窻紗見一箇堪描畫嬌娃知  
他是誰家鬢雲鬆半髻宮鴉無瑕玉骨冰肌年紀兒二八  
六幅湘裙半拆羅襪閑遊楊柳邊困倚秋千下更不御鉛  
華笑指梅香罵擅口些娘大可憐咱肯承搭羞弄香羅帕

小桃花鬢邊插即世兒風流俊然

罵玉郎

〔今樂府〕為酸齋解嘲君王曾賜瓊林宴三斗始朝天文章  
懶入編修院紅錦箋白苧篇黃柑傳學會神仙參透詩  
禪厭塵囂絕名利近林泉天台洞口地肺山前學煉丹同  
貨墨共談元興飄然酒家眠洞花溪鳥結因緣被我瞞  
他四十年海天秋月一般圓楊駒兒墓園莓苔生滿蒼雲  
徑人去小紅亭題情猶是酸齋贈我把那詩韻賡書畫評  
闌干凭茶竈塵凝墨水冰生掩幽局懸瘦影伴孤燈琴  
已亡伯牙酒不到劉伶策短藤乘暮景放吟情寫新聲  
寄春鶯明年來此賞清明窻掩梨花庭院靜小樓風雨共

誰聽

齊天樂

潛身且入無何醉裏乾坤大蹉跎和鄰友相合就山家酒  
嫩魚活當歌百無拘道遙千自在快活日日朝朝落  
跼跼酒甕邊行花叢裏過沈醉後由他

右一章見太和正音譜第六卷

新刊張小山北曲聯樂府卷下

新刊張小山北曲聯樂府外集

太常引

〔姑蘇臺賞雪〕斷塘流水洗凝脂早起索吟詩何處覓西施  
垂楊柳蕭蕭鬢絲銀匙藻井粉香梅圃萬瓦玉參差一  
曲樂天詞富貴似吳王在時

湘妃怨

〔武夷山中〕落紅流水出桃源暖翠晴雲滿藥田流金古像  
開香殿步虛聲未遠鶴飛來認得神仙傍草漫山徑幽花  
隱洞天王女溪邊〔山中隱居〕丹翁接老得長生白鶴依人  
認不名青山擾主隨他姓嘆乾坤一草亭半年不出巖扃  
寫十卷續仙傳和一篇陋室銘補注茶經〔懷古〕秋風遠塞

阜鵬旗明月高臺金鳳盃紅粧肯爲蒼生計女妖嬈能有  
幾兩蛾眉看千古光輝漢和番昭君去越吞吳西子歸戰馬  
空肥〔黃山道中〕何人禮斗上松梢有客題名刻樹腰指前  
峯半日行來到這山不是小洞天寬容我詩豪白雲觀敲  
仙枕朱砂泉流藥瓢紫蘭宮玉女吹簫

折桂回

〔殘唐郎事〕倚蒼雲拱北城高地勝東吳樹老南朝翠袖聯  
歌金鞭爭道畫舫平橋樓上樓直侵九霄人 人長似元  
宵燈火笙簫春月遊湖秋日觀潮〔紫微樓上右平章索賦  
鎮殘唐太乙勾陳玉柱擎天綉衮生春潮點鷺毛山盤鳳  
尾瓦甃魚鱗近北斗三天紫宸拂危闌兩袖白雲可摘星

辰誰信蟾宮著我閑身〔徽州路譙樓落成〕小闌干高倚長  
空壯觀山城彷彿天宮壘徧畫鼉嘶殘玉鳳漏盡銅龍催  
古寺一百八曉鐘動晨光三十六晴峯雄視江東萬井春  
風太守神功〔湖上雪晴魯至道席間賦〕想當年鴈塔題名  
衣錦歸來攬轡澄清試生漁磯相親蟻淥不負鷗盟青山  
老西施暮景碧天高東魯文星淘寫襟靈玉手琵琶翠袖  
娉婷

滿庭芳

〔春暮〕韶光幾分紅飄恨雨綠染愁雲粉痕吹上何郎鬢買  
不住東君梨花下香風玉樽松株外落日金盆消磨盡尋  
芳故人鶯燕自爭春〔題小小蓬萊〕蘭花旋買靈芝未採藕

葉初裁壺中天地春常在畫苑琴臺望弱水涌茫茫大海  
號幽居曰小小蓬萊柴門外雖無俗客童子且休開樊氏  
素雲櫻桃口脂提君雅號索我新詞梨花夢裏同心事雪  
比芳姿迎皓月玲瓏玉枝結穠香婀娜瓊芝題卿字光生  
繭紙頭上黑雨催詩

燕引雛

〔張氏玉卿〕瑩無瑕淡粧何必御鉛華嬌姿映雪強如畫素  
手琵琶天仙第一家荆山下連城價香欺瑤草艷壓瓊花  
雪晴過揚子渡坐江風山月亭雪晴初金山頂上玉浮屠  
題詩風月無邊處身在冰壺天然汪剡圖西津渡南歸路  
茶香陸羽梅隱林逋桐江即事掛詩瓢騎牛閑過問松梢  
不知世上紅塵鬧花掩雲巢烏紗白紵袍桐君藥嚴陵釣  
山椒暖翠沙背寒潮

金字經

〔劉氏瑞蓮〕種帶瑤池露藕香玉井漱曾向茗溪上遊愁結  
花成並頭何時又共登仙葉舟〔觀泉〕靖節黃花徑子猷蒼  
玉亭千澗飛來六月冰清素琴無意聽闌干靜白雲鐘  
聲觀獵雪點蒼鷹俊玉花驄馬驕廣利將軍猶近郊袍織  
成金翠毛隨軍樂綉旗雙阜鷗

天淨紗

〔荷邊宿鷺〕幽禽瘦聳雙肩晚花香褪粧鈿月淡煙寒水淺  
遠江如練夢歸西塞山前懷古疏翁命賦翠芳園老樹寒

鴉朱 野草閑花烏江岸將軍戰馬百年之下畫圖流  
落誰家

清江引

張子堅席上 雲林隱居人未知且把柴門閉詩牀竹雨涼  
茶鼎松風細遊仙夢成鶯喚起湖上去年香梅花帶雪賽  
倒孤山社酒從村店賒船問鄰僧借梅花又開忙去也春  
晚平安信來剛半紙幾對鴛鴦字花開望遠行玉減傷春  
事東風草堂飛燕子

凭欄人

衆遠樓上 畫棟飛飛簾外雲仙袂飄飄天上又釣船歸水  
村雁行出海門白雲鍊師山居丹氣溶溶生紫煙石齒冷

冷鳴玉泉住山不記年看雲即是仙天台中雙闕瓊臺  
亂峯千樹琪花香晚風白頭雲外翁紫潭波底龍海  
道院雨後松雲生紫巖花外茶煙生翠嵐袖詩出道菴探  
梅來水南

霜角 新安八景

花屏春晚 初日滄涼海霞搖曙光幾摺好山如畫晴靄靄  
鬱蒼蒼衆芳雲景香道人眠石牀喚起南華夢蝶鶯啼在  
綠垂楊練溪晚渡淡煙微隔幾點投林翻千古澄江秀句  
空感慨有誰索拍拍水光白小舟爭過客沽酒歸來樵叟  
相隨到許仙宅南山秋色華蓋亭亭向陽松桂榮背立夜  
壇朝斗直下看老人星地靈風物清衆峯環翠羸千古仙

山道氣誰高似許宣平〔王陵夕照〕暮蟬聲咽幾樹白楊葉  
細細看雲嵐舊隱遺廟在表忠烈豈結弓劍冗苔花碑字  
滅遠水殘陽西下今人見古時月〔水西煙雨〕沙淺波平孤  
舟長日橫淡墨瀟湘入景誰移向富山城淨名疎磬聲暮  
歸何處僧明日披雲峯頂呼太白賞新晴漁梁送客浪花  
飛雪船閣蒼雲缺一片鷓鴣西照穡燕語柳絲結話別情  
哽咽酒邊歌未闕他日寄書雙鯉順流過釣臺月〔黃山雪  
霽〕雲開洞府按罷瓊妃舞三十六峯圖畫張素錦列冰柱  
幾縷翠煙聚曉粧看更嫵一箇山頭不白人知是煉丹處  
紫陽書聲樓觀飛鷺好山環翠屏誰向山中講授朱夫子  
魯先生短檠雪屋燈琅琅終夜聲傳得先儒道妙百世下

以文鳴

上小樓

〔九日山中〕白雲與俱青山無數笑脫紗巾卧品瓊簫醉解  
金魚盡一壺酒再沽不知歸路惜黃花翠微深處〔茅山書  
事〕蕉風半筴藤花一架劔氣穿雲丹光漏月飯顆蒸霞棗  
似瓜酒滿學仙翁留話鶴飛歸隱居松下〔湖上〕松風滿身  
蓮花古寺涼月嬋娟翠羽參差小屋茅茨酒醒時爭賦詩  
西湖清思訪孤山愛梅處士〔春思〕屏山倦倚看尖感翠怪  
然書遲盼得人回又怕春歸綉枕推初睡起憂心如醉問  
西園海棠開未春光未歸佳人沈醉庭院深深楊柳依  
依燕子飛飛玉漏遲遲翠管吹吹綠情紅意月兒高海棠

初睡〔又〕荒園數畝寒梅幾樹廢 鳴蛙踈籬吠犬夜月啼  
烏載乘輿槌畫鼓蘭舟何處泣西風翠芳人去〔又〕東風酒  
家西施堪畫打令續麻擷拍分花傍柳隨花不上馬手斲  
把傳情羅帕小紅樓斷橋直下〔又〕寒潭玉龍仙山么鳳春  
斷南枝人在西樓笛怨東風曲未終酒不空羅浮仙夢月  
黃昏暗香浮動〔又〕離愁自解芳心無奈燕躲金釵翠冷羅  
鞋鳳 瑤臺春又來花自開蘇娘何在玉驄西湧金門外  
〔又〕花開後土鶴鳴仙柱明月高樓臨都老樹落日平英翠  
袖扶醉老夫金盤香露教吹簫玉人何處〔又〕前程萬里相  
思兩地燕國天寒吳江月冷楚岫雲迷綉幕圍錦帳垂朱  
門空閉燕來也那人歸未〔又〕湘皋二妃瑤池相會不御鉛

華盡解紅衣半露水肌白鳳飛翠蓋敲玉簪斜墜粉雲香  
一奩秋意〔又〕誰家艷姝天然洛浦秋水芙蓉春風笑語道  
樣粧梳爲交甫解佩珠花前相遇紫雲深彩鸞先去〔又〕寒  
食禁煙尋芳人倦 墨銀箋新詞羅扇小袖金鞭最可憐  
信杳然蒼苔庭院想桃花去年人面〔又〕陽關畫圖高唐詞  
賦水遠魚沈卽去蝶愁月冷鸞孤盡酒壺灑淚珠長亭西  
路鷓鴣啼夕陽紅樹〔又〕雲萍蕩漾楊花心性半紙虛名萬  
里脩程一樣離情搗 箏合鳳笙無心閑聽爲相思玉人  
成病〔又〕雲屏幾宵華胥一覺翠管聲乾青鸞信杳玉蘂香  
銷蘇小小張好好千金買笑今何在玉容花兒〔又〕西湖晚  
涼凭欄凝望人過蓮船橋橫柳浪酒捲荷觴雲錦張水鏡

香波光搖蕩鷺鷥兒釣魚磯止

折桂令

贈胡存善掌梨園樂府須知富有牙籤名動金閨一代風  
流九州人物萬斛珠璣解流水高山子期製暗香疎影姜  
夔曾次清竒笑毀黃鐘識透元機

罵玉郎

富山元宵賞燈朱衣錦帶黃金鞵前後羽林兵當空皓月  
懸秋鏡蘭麝馨簫鼓鳴天街淨

感皇恩

前題燈界珠繩春藹花屏御輦上翠道遙宮林傳金錯落  
歌女玉娉婷賞良夜好景聽樂府新聲慶元正隊伍樂昇

平

採茶歌

前題待天明未收燈寶箏前殿引長生鐵甕千年富山城  
西臺一點老人星

新刊張小山北曲聯樂府外集



余向收得舊鈔元本張小山樂府止上中二卷  
其下卷闕焉錢唐何夢華歲有是書求假  
未得深以不全為憾今復有便人至杭作  
書促之遂携以歸鈔所闕者行款正同  
當出一源惟中卷尾缺一十四行為附錄于  
下卷之首因系本係舊鈔不更損紙續  
之也  
嘉慶庚午八月秋重為補錄并記

沈澂前

越歲丙子季春十日重展是書已隔六年矣其鈔此書  
之門僕張泰之也所因補鈔入白信僕書至鈔也

三書記下卷尾云 廿正醒人識 因 豐

後

以

下卷下箱因本全須論...

細北以故...

書...

其下卷...

余...



